








INDEKS HARGA PENGELUAR MALAYSIA (IHPR) PENGELUARAN TEMPATAN, OGOS 2025

Indeks Harga Pengeluar Malaysia menurun 2.8 peratus pada OGOS 2025

IHPR MENGIKUT SEKTOR



[Tahun ke tahun]

Ogos 2025	Julai 2025
-2.8%	-3.8%

[Bulan ke bulan]

Ogos 2025	Julai 2025
0.1%	0.3%

Nota : Tahun ke tahun Bulan ke bulan

IHPR MENGIKUT PERINGKAT PEMROSESAN

Bahan mentah untuk diproseskan selanjutnya

-0.8% Jul 2025 : -5.8%

1.6% Jul 2025 : 0.8%

Bahan perantaraan, bekalan & komponen

-3.1% Jul 2025 : -3.7%

-0.2% Jul 2025 : 0.1%

Barang siap

-3.4% Jul 2025 : -2.4%

-0.5% Jul 2025 : 0.1%

IHPR NEGARA TERPILIH




Sumber : Laman web rasmi NSO terpilih

Indeks (2010=100)

IHPR OGOS 2024 – OGOS 2025

Perubahan peratus (%)



Sumber : Indeks Harga Pengeluar (2010=100) Pengeluaran Tempatan, Jabatan Perangkaan Malaysia (DOSM)



Indeks Harga Pengeluar (IHPR) Malaysia mencatatkan penurunan 2.8 peratus pada Ogos 2025

- Indeks Harga Pengeluar Malaysia mencatatkan penurunan 2.8 peratus pada Ogos 2025, selepas penurunan 3.8 peratus pada bulan sebelumnya.
- Sama seperti bulan sebelumnya, penurunan pada Ogos 2025 disumbangkan terutamanya oleh sektor Pembuatan dan Perlombongan. Sektor Pembuatan mencatatkan penurunan 4.0 peratus, sama seperti Julai 2025, dipengaruhi oleh indeks Pembuatan kok & produk petroleum bertapis (-14.9%) dan Pembuatan komputer, produk elektronik & optikal (-7.7%). Pada masa yang sama, sektor Perlombongan menurun 3.4 peratus (Julai 2025: -8.7%), didorong oleh penurunan dalam indeks Pengekstrakan petroleum mentah (-5.1%). Sebaliknya, sektor Pertanian, perhutanan & perikanan meningkat 7.3 peratus (Julai 2025: 1.1%), disumbangkan oleh indeks Penanaman tanaman kekal (11.6%). Bagi sektor utiliti, kedua-dua sektor Bekalan elektrik & gas dan Bekalan air masing-masing meningkat sebanyak 4.1 peratus dan 3.4 peratus.
- Pada asas bulan ke bulan, IHPR Pengeluaran Tempatan meningkat marginal 0.1 peratus pada Ogos 2025, selepas peningkatan 0.3 peratus pada bulan sebelumnya. Sektor Pertanian, perhutanan & perikanan meningkat 3.3 peratus (Julai 2025: 2.5%), disokong oleh indeks Penanaman tanaman kekal (5.1%). Sektor utiliti, iaitu indeks Bekalan elektrik & gas dan Bekalan air masing-masing turut meningkat sebanyak 0.7 peratus dan 2.7 peratus. Sebaliknya, sektor Perlombongan menurun 1.5 peratus selepas tiada perubahan pada bulan sebelumnya, dipengaruhi oleh penurunan indeks Pengekstrakan gas asli (-2.3%) dan Pengekstrakan petroleum mentah (-1.2%). Sektor Pembuatan pula terus mencatatkan penurunan perlahan 0.2 peratus (Julai 2025: -0.1%), dipengaruhi oleh penurunan dalam indeks Pembuatan kok & produk petroleum bertapis (-0.7%) dan Pembuatan komputer, produk elektronik & optikal (-0.4%).
- Semua peringkat pemprosesan mencatatkan penurunan tahun ke tahun pada Ogos 2025, meneruskan trend menurun sejak Mac 2025. Indeks Bahan mentah untuk diproseskan selanjutnya menurun 0.8 peratus (Julai 2025: -5.8%), dipengaruhi oleh penurunan indeks Bahan bukan makanan (-1.1%). Indeks Bahan perantaraan, bekalan & komponen mencatatkan penurunan 3.1 peratus (Julai 2025: -3.7%), disebabkan oleh penurunan dalam Bahan api yang diproses & pelincir (-8.6%). Indeks Barang siap juga menurun 3.4 peratus (Julai 2025: -2.4%), terutamanya disebabkan oleh penurunan dalam Kelengkapan modal (-5.6%).
- Pada asas bulanan, indeks Bahan mentah untuk diproseskan selanjutnya mencatatkan peningkatan 1.6 peratus. Sementara itu, indeks Bahan perantaraan, bekalan dan komponen dan Barang siap masing-masing turun 0.2 peratus dan 0.5 peratus.

